



Broj: 01-~~34~~-414 123
Datum: 31.03.2023. godine

Na osnovu člana 37. Statuta Općine Foča („Službene novine Bosansko-podrinjskog kantona“, broj 8/08, 16/13 i 7/20), a na osnovu Pravilnika o dodjeli stipendija, broj: 02-1-11-1600/21, od 30.12.2021. godine, načelnik Općine, r a s p i s u j e:

K O N K U R S
za dodjelu studentskih stipendija
redovnim studentima I i II ciklusa studija za 2022/2023 studijsku godinu

I. OPĆI USLOVI

Pravo na dodjelu stipendije imaju redovni studenti I (prvog) i II (drugog) ciklusa studija, koji ispunjavaju opće uslove za dodjelu stipendija, i to:

- da su državljani Bosne i Hercegovine,
- da imaju prebivalište na području Općine Foča najmanje šest mjeseci prije raspisivanja konkursa za dodjelu stipendija,
- da su redovni studenti koji prvi put upisuju određenu godinu studija na jednoj od visokoškolskih ustanova na području Bosne i Hercegovine, a koji u toku studija nisu imali više od jedne obnovljene godine (za studente),
- da ne primaju stipendiju, kredit ili neki drugi oblik novčane naknade koja ima obilježje stipendije, od drugog davaoca.

Mjesečni iznos stipendija studente prvog i drugog ciklusa u iznosu od 100,00 KM.

Stipendije se isplaćuju za jednu školsku godinu i isplaćivat će se 8 (osam) mjeseci u kojima se nastava odvija u školskoj godini.

Dodjeljuje se 5 (pet) studentima prvog i drugog ciklusa studija.

II. KRITERIJI ZA OSTVARIVANJE PRAVA NA DODJELU STIPENDIJA

Kriteriji za ostvarivanje prava na dodjelu stipendija studentima, su:

- 1) deficitarnost zanimanja,
- 2) uspjeh u završenom razredu srednje škole za studente koji upisuju prvu godinu I ciklusa studija ili uspjeh u prethodnoj godini studija za studente koji upisuju višu godinu I ciklusa studija ili II ciklus studija,
- 3) socijalni status studenta i članova njegove uže porodice, odnosno njegovog domaćinstva,
- 4) djeca pripadnika boračkih populacija.

Iz jedne porodice, odnosno domaćinstva, samo jedan učenik ili student može biti korisnik stipendije iz Budžeta Općine Foča. Izuzetak su učenici/studenti deficitarnih zanimanja i učenici/studenti bez oba roditelja.

III. DOKAZI O ISPUNJAVANJU OPĆIH USLOVA I KRITERIJA ZA OSTVARIVANJE PRAVA NA DODJELU STIPENDIJA

a) Kandidati za dodjelu stipendija prilažu sljedeću dokumentaciju (obavezna dokumentacija):

- 1) zahtjev za dodjelu stipendije, adresu stanovanja i broj kontaktnog telefona,
- 2) uvjerenje o državljanstvu,
- 3) uvjerenje o stalnom mjestu prebivališta, izdato nakon objavljivanja Konkursa
- 4) dokaz/potvrda da imaju status redovnog studenta
- 5) dokaz da je student prvi put upisao određenu godinu studija na jednoj od visokoškolskih ustanova na području Bosne i Hercegovine i da u toku studija nije imao više od jedne onovljene godine
- 6) ovjerenu izjavu kandidata da nije korisnik stipendije, kredita ili nekog drugog oblika novčane naknade koja ima obilježje stipendije od drugog davaoca u studijskoj godini u kojoj se prijavljuje na konkurs za dodjelu stipendija u Općini Foča.
- 7) ovjerenu izjavu kandidata kojom se daje suglasnost za objavu ličnih podataka prilikom objave liste kandidata za dodjelu stipendija i rezultate konkursa

b) Kao dokaz o ispunjavanju kriterija za ostvarivanje prava na dodjelu stipendija propisanih Pravilnikom, kandidati prilažu sledeću dokumentaciju (neobavezna dokumentacija koja utiče na rezultat ostvarenih bodova):

- dokaz o članovima zajedničkog domaćinstva (kućna lista),
- dokaz o članovima zajedničkog domaćinstva koji redovno pohađaju osnovnu školu, srednju školu ili studiraju, dokaz o uspjehu u završnoj godini srednje škole za studente koji upisuju prvu godinu I ciklusa studija ili uspjehu u prethodnoj godini studija sa prosjekom ocjene za studente koji upisuju višu godinu I ciklusa studija ili II ciklusa studija,
- dokaz o ukupnim mjesečnim primanjima/prihodima za punoljetne članove zajedničkog domaćinstva (izuzev onih koji imaju status redovnog učenika ili studenta) po osnovu: radnog odnosa, penzije, samostalne djelatnosti, boračko-invalidske zaštite, socijalne zaštite i po drugim osnovama,
- dokaz o nezaposlenim punoljetnim članovima zajedničkog domaćinstva (uvjerenje o statusu nezaposlene osobe od nadležne službe za zapošljavanje ili od nadležne službe PIO da se vodi kao osigurana osoba po osnovu radnog odnosa),
- dokaz da je kandidat bez jednog ili oba roditelja (izvod iz matične knjige umrlih),
- dokaz o ličnom invaliditetu kandidata za dodjelu stipendije (preko 50%),
- dokaz o invaliditetu roditelja (preko 80%),
- dokaz da je kandidat član porodice pripadnik boračkih populacija.

Dokazi o ispunjavanju općih uslova za dodjelu stipendije i kriterija za ostvarivanje prava na dodjelu stipendija dostavljaju se u originalu ili ovjerenoj fotokopiji odgovarajuće isprave.

IV. POSTUPAK ZA DODJELU STIPENDIJA

Izbor studenata za stipendiranje po ovom Konkursu izvršit će se bodovanjem priloženih dokumenata i rangiranjem po utvrđenim kriterijima iz člana 7. i 8. Pravilnika o dodjeli stipendija, broj:02-1-11-1600/21 od 30.12.2021. godine do odobrenog broja stipendija, odnosno do iznosa predviđenih sredstava za studentske stipendije u Budžetu Općine.

Detaljniji uslovi u vezi stipendiranja regulisat će se ugovorom o stipendiranju, kojim će se urediti međusobna prava i obaveze davaoca i korisnika stipendije.

V. PODNOŠENJE PRIJAVE

Konkurs ostaje otvoren do 10.04.2023. godine, do 16,00 sati.

Prijave sa potrebnom dokumentacijom dostaviti na pisarnicu Općine Foča, sa naznakom: Prijava na konkurs za dodjelu studentskih stipendija – „ne otvaraj“.

Nepotpune i neblagovremene prijave neće se uzeti u razmatranje.

Sve dodatne informacije u vezi Konkursa se mogu dobiti putem telefona 038-519-400.



OPĆINSKI NAČELNIK
Mujo Sofradžija